

AUSPICE JESU!
EXERCITIUM ACADEMICUM,
PROBLEMATA
QUÆDAM PHILOSO-
PHICA

EXHIBENS,

Quod

Cum veniâ Ampl. Ordinis Philosoph.
In Academia Aboënsi,
SUB UMBONE

VIRI Reverendi atque Præcellentissimi,

Dn. M. DAVIDIS LUNDI
Lingv. Oriental. Prof. Ord. Celeberrimi,
ac Pastoris in Ætna meritissimi, Præ-
ceptoris & Promotoris æternum
suspiciendi,

*Publico modestè Philosophantium exa-
mini subjicit*

OLAUS I. JHØRGEN/ O-Bothn.
In Auditorio Maximo, ad diem 22 Febr.
An. M. DC. XCVI.

Impr. apud JOH. L. WALLUM.

Patri in CHRISTO
Ac Domino longè Reveren-
disimo,

DN. JOHANNI GEZELIO,

S. S. Theologiæ DOCTORI Cele-
berrimo, Dicæcæfios Aboënsis
EPISCOPO Eminentissimo, Re-
giæ itidem Academiæ PRO-CAN-
CELLARIO Permagnifico, Consi-
stori Ecclesiastici ANTISTITI Gra-
vissimo, Patrono & Mæcenati sum-
mo, summâ animi reverentiâ
colendissimo.

Ut. Submississimum. Indicium. extaret animi.
hunc ingenii. fœtum. abortivum. humilimè.
inscribit. &. sacrum. facit. intimeqve. vovet. ut.
REVERENDISSIMUM. PATREM. Ecclesiæ. gloriæ.
divinitus. concessum. fata. Nestoris. com-
plete. faciant. annos.

REVERENDISS. PATRIS ac DOMINI

Chens humilimus
OLAUS Gylfen.

Ut &

VIRO Maxime Reverendo, Amplissimo,
Celeberrimoque

DN. M. ANDREÆ
WANOCCHIO,

S. S. Theologiae PROFESSORI Or-
dinario, Excellentissimo, utriusque
Consistorii ADSESSORI adcuratis-
simo, nec non PASTORI in Lund
dignissimo, Patrono, Præceptor
ac Promotori maxime de-
venerando.

Has ingenii Primitias, Devoto consecrat animo,
addito voto calidissimo, velit DEUS sum-
mus Amplissimum Dominum Professorem
in Academiac, Ecclesiæque illustre decus, quin
& in Promotionem Clientum diu incolu-
mem conservare.

AMPLISS. DN. PROFESSORIS

subjectus Servitor
O. Jilken.

VIRIS

Pl. Reverendis, Reverendis, Clariss. Doctiss.
Et Specatissimo

DN. GUSTAVO CAJANO,
Pastori in Lochto vigilantissimo.

DN. BARTHOLLO RAJALENIO
Pastori in Raumto solertissimo.

DN. JOHANNI WEGELIO,
Sacellano in Pemar meritissimo.

DN. ISAACO IHLSEN/
Parenti meo carissimo, filiali obsequio
æternum prosequendo.

Hocce chartaceum munus, pro maximis
in se collatis beneficiis, offert,
rogans, ut idem benigne exci-
perc haud dedignantur

R. R. Cl. Sp. NOMINIS V. V.

Obseruantissimus cultor

O. Ihlsen.



PROBLEMA PHILOLOGICUM.

*An Homini Lingua Ebraea sit naturalis?
& quis ejusdem Auctor?*

Raves Controversiarum motus olim inter Ægyptios & Phryges fuerunt, de Problemate proposto, qva aliquam sui partem, adeo ut eò fuerint adacti, ut rei istius veritatem exploraturi, duos Infantes recens natos ab omni consortio hominum exclusos, homini cuidam inter pecora educandos tradiderint, prohibuerintque ne quisquam cum iis aliquo uteretur sermonis genere: existimantes, quocunque inciperent loqui Idiomate, illud homini esse naturale, sicque litem diremptum iri. Cum ergo biennium

A

trans-

transiisset, & infantes vagire desisiens;
 non nisi becos, nescio quo fato, clamare
 ceperunt. Et quoniam Phrygii *Panem* sic
 adpellabant, ideo etiam Lingvam suam
 naturalem, atque qvæ omnium sit prima
 opinabantur. Refertur, etiam Exem-
 plum aliud de Rege quodam, qui *tri-*
ginta Infantes Custodibus quibusdam di-
 citur tradidisse, ut experiretur, qvānam
 illi a liqvando usuri essent lingvæ, utpote
 à nullo aliquam docti; atqve reperisse
 laborem istum fuisse vanissimum, nul-
 lumqve eorum distinctas protulisse vo-
 ces. Docent hæc Exempla clarè fatis, qvod
 nulla lingva homini sit naturalis, Nam
 licet homini sit naturalis potentia & fa-
 cultas loqvendi, inde tamen non sequitur,
 lingvam aliquam homini esse innatam, a-
 deoqve nec *Hebræam*. Omnis enim loqvela
 oritur ex auditu, mutuaqve consuetu-
 dine. Hinc si supponamus pueros, ex-
 tra consortium hominum qvi enutri-
 rentur, lingvam aliquam sibi formare
 posse, qvæ ab aliis intelligi non posset,
 non

non tamen eos Hebraicè loqui, luce est
 clarius meridiana. Nam cum nemi-
 nem Hebraicè audirent loqventem, nec
 ipsi Hebraicè loquerentur. Si autem vox
 aliquia Idiomatis Ebraici, novæ isti lingvæ
 immisceri posset, ea tamen Ebraica non-
 dum esset; quippe quæ per accidens
 provenisset, & non ideo, quia Ebræi iis-
 dem vocibus utuntur. His autem no-
 stra suffulta stat Thesis argumentis: (N)
 Si lingua Ebræa esset à naturâ, utique
 necessariò homines ad eam descendam
 essent magis proclives, quam docet u-
 sus, facilitiori que ad Ejus cognitionem per-
 venirent ratione; at falsum est conse-
 quens Ergo & antecedens. Consequens
 autem esse falsum in hoc Syllogismo,
 probat ipsa experientia quotidiana, ut
 pote dilucidissimè demonstrans lingvam
 Hebræam, æquè difficulter ac unquam
 aliam, addisci; homines etiam majori
 impetu ferri ad adqvirendam notitiam
 lingvarum aliarum, quam ipsius Ebrææ,
 constat. (C) Si Lingua Ebræa esset natu-
 ralis, sequeretur etiam surdos Hebraicè

4oqvis At cum nec heic assumptum sit verum, E. nec ullo veritatis fundamento totum inniti Syllogismum certum est. Docet id non obscure clarissima experientia, videmus enim indies, surdos etiam esse mutos: Ratio hæc est evidenterissima, qvod neminem potuerint audire loqventem. Etenim si Ebræa lingua illis esset naturalis, etiam loqverentur Ebraicè, etiamsi nullum audiant illâ utentem Lingvâ; At qvia jam nullam lingvam callent, ob rationem modò adhibitam, nec Lingvam Hebræam esse Naturalem, tam est *clarum, quam cum fidum est, esse solet.* Qvin imò, si Lingva illa esset naturalis, surdi nulla ab ea abstinerent ratione, qvominus eâdem utterentur. Non enim heic aliter fieret quam cum fumo, quem, si vel diu quis deprimat deorsum, semper tamen ascendet; atqve cum Lapide, quem vel millies in altum projectum, descendere est planissimum. Vim qvippe obtinet suam illud:

Naturam expellas furca, tamen usq; recurret.
Neqve

Neq; vero nostram sententiam quispiam
 eo refutabit, si vel maximè dicat, Ling-
 uam Ebraicam videri naturalem homini
 idèò, qvia primus Homo Adamus statim,
 postqvam esset creatus, Deum Ebraicè
 loqventem intellexit, qvod fieri non po-
 tuisse, diceret qvis; si lingua Hebraica
 esset tantum ex instituto & consuetu-
 dine, debuissent enim aliquot menses
 præterlabi, antequam DEUM Hebraicè
 loqventem intelligere, & animanti-
 bus nomina indere potuisset congrua.
 Non, *inqvam*, nostram sententiam ex-
 pugnabit qvis vel isto argumento, ut
 pote cum illa Cognitio Lingvæ He-
 brææ in Adamo fuerit donum præter
 naturale. Patet id hinc, qvod primi no-
 stri parentes illam cognitionem in libe-
 ros non propagarunt, extraordinaria
 enim fuit & ad habitus pertinens in-
 fusos. Qvapropter etiam Liberi didi-
 cerunt Lingvam Hebræam à Parenti-
 bus eodem planè modo, quo hodiè li-
 beri à parentibus Lingvam qvamcun-
 que, sive Svetica sit, sive Finnica vel et-
 iam-

iam Germanica, addiscunt. Proinde cognitio illa Lingvæ Ebraicæ in primis Parentibus non fuit à naturâ, nec ex instituto humano; Sed à DEO homini immediate, divina virtute instillata & infusa. Si enim Adamus ipse Lingvam hanc proprio Studio & ingenio sibi effingere non potuit, utique DEUS ipse Auctor statuendus. Prius claret exinde, nam non tam cito potuit Adamus eam efformare, ut statim DEUM intelligere potuerit loqventem, Evamque alloqui. Posterius ideò verum erit, qvia si Ebræa lingua non fuit innata homini, neque ab Homine inventa, adhæc donum singulare & eximum. E. à DEO sit, necessum est. Nam qvem admodum homo non utitur certa lingvâ, nisi aliquem ante audierit illa uentem; Ita nec Adamus si à DEO linguam Ebræam sibi iufuſam non habuiffet, ulla Lingua potuiffet loqui. Ratio est: qvia neminem illa uti audivisſet

set, à qvo didicisset; At qvia DEUM
 Ebraicè statim intellexit loqventem, evi-
 dens est, DEum istius esse Auctorem.
 Si autem dicatur Linguam Hebræam
 ideò videri ab Adamo inventam & non
 à DEO inditam, qvia imposuit nomina
 bestiis agri & volucribus cœli, cuique
 animantium convenientia; Non tamen
 nostra vel hanc ob Causam labefactatur
 Thesis; DEUS enim ante impositionem
 nominum Adamum erat adloquutus,
 adeò ut non sit dubium, qvin Adamus
 tum jam calluerit lingvam Hebræam,
 qvando nominibus suis qvodvis adpel-
 lavit animal. Non autem ineptè hic
 qværi possit, qvomodo DEUS Adamum
 hanc Lingvam docuerit? *Cl. Leusdenius*
 amplectitur sententiam illam, qvæ sta-
 tuit DEum tantummodo infudisse A-
 damo lingvam Ebraicam qvoad ra-
 dices; Et sic eum facili opera, reliqua
 derivata à radicibus descendantia, for-
 massé per propriam suam Sapientiam,
 qva erat imbutus, & scientiam. Hoc
 non

non fuisset Adamo difficile factu, cum majori fuerit donatus Sapientia, quam quisquam hominum, qui jam facillime, si ipsi nota sit radix in quacunque nota lingua, reliquias voces ex illa radice, vel per additionem, vel per subtractionem quarundam literarum, formare potest.

PROBLEMA LOGICUM.

An Deus recte ponatur in Prædicamento Substantie?

Variè licet de numero prædicamento-
rum à variis disputetur, monstrosam
digitis vel pluribus vel paucioribus $\chi\epsilon\eta\pi\alpha\tau\eta\varsigma$ φιλοφίας facientibus nonnullis: cum
Celebrioribus tamen, & magis limati ju-
dicii Philosophis, decem dari statuimus,
illaq; eam ob causam, ut facilius atq;
distinctius rerum omnium cognosce-
rentur naturæ, ab ipsis constituta; non
verò, ut dirum aliquod fint Ergastu-
lum, cui res quæ in Prædicamentis sunt,
quasi localiter includantur. Vulgo qvi-
dem in Prædicamento esse negantur
seqventia. Con-

Concretum, significans, factum, Polysemon,
Vox Logice, DEUS, Excedens, Privatio, Parsq;
 At qvid de DEO sentiendum sit ex hoc
 patescit, qvod DEUS, qvi vera substantia
 est, potest cum substantiis cæteris
 substantia adpellari, faciliorisq; intellec-
 tionis gratiâ in classe substantiarum
 ponî, ipso Philosopho huic nostræ senten-
 tiæ album porrigente calculum, Lib. VII.
 Metaph. cap. i. Qvod autem qvidam
 dicunt DEUM infinitum prædicamento
 non includi, id ex præcedentibus dilui
 potest operâ facili, ubi diximus, Prædi-
 camentum non esse carcerem aliquem,
 in quo res in Prædicamentis contentæ
 captivæ detineantur, qvique rebus ali-
 quam adferat imperfectionem, sed esse
 dispositionem qvandam, qvæ modum
 intelligendi rerum naturas facilitat.
 Quemadmodum ideo maximè ad Clas-
 sem Sapientum pertinet Salomo, qvo-
 niam omnium est Sapientissimus, ita
 DEUS quoque qvia substantia est per-
 fectissima, qvin substantia sit, negarne-
 qvit: Est etiam Ens, qvod non est in

subiecto, qvodque non substat accidentibus, nam licet substantia accidentibus substare dicatur, non tamen id de substantia Logicâ, sed Physicâ accipiendum est, ipso etiam Aristotele ab ejusmodi loquendi modo abhorrente. Probe autem notandum est, qvod cum dicimus DEUM posse esse in Prædicamento, id non sic sit intelligendum, qvasi directè Divinam ejus Entitatem ibi locandam velimus, utpote qvæ eā ratione transcendentia essentiaæ suæ nobilitate & ob eminentiam perfectionis, omne prædicamentum, cum sit Ens tam nobile, ut propter infinitam perfectionem, notionem generis & speciei non admittat. Vid. Excellentiss. B. Dn. D. Jac. Flachsenii Colleg. Log. pag. 106. Hoc autem cum asserimus, non statim omnino Eum Prædicamento substantiaæ excludendum censemus, sed revera in eo poni posse, sc. qvia esse in prædicamento extrinseca tantum denominatio est. Quid? Qvod Grammatici DEUM generis dicunt esse Masculini, sexum sic DEO tribuentes, quod Majoris

ioris est momenti. Proinde ut termino
utamur Philosophis usitato, *reductivè*
DEUM esse in Prædicamento Substantiæ
adfirmamus.

PROBLEMA PHYSICUM, *Controversiam De Motu Terræ ex- pendens.*

Gravissimus est labor & meis impar
Ghumeris, quem expediendum mihi
sumsi in exponenda Controversia, quæ
ventilatur inter Philosophos Veteres, &
Novos. Variis perspicacissimi eqvidem
ingenii Viri, volunt stabilire argumentis
mobilitatem Terræ, afferentes astra, quæ
corpora sunt magnitudinis immensæ,
tam celeriter non posse ferri quam par
est; Infinito sc. cum à Terrâ absint spa-
tio: nec naturam id facere per plura
quod per pauca potest. Verum licet
nullius quidquam detractum velimus
auctoritati, atque quemvis suo abundare
sensu non inviti patiamur; interim tamen
tutior nobis illa videtur sententia, quæ
astra moveri, Terram autem in medio
mun-

mundi qviescere, & ex se propriâ suâ vi
 naturali, qvamdiu manet in proprio suo
 loco, nullum pulsus edere, sed immo-
 tam qviescere, nec nisi per violentiam
 inde detrudi, afferit. (α) Si enim omne
 grave ad motum est ineptum, utique
 etiam multo magis terra quietem amare
 dicenda, utpote cui tanta inest gravitas
 ut infra aquas etiam demergatur. (β) Si
 naturaliter moveretur, motu recto
 ferretur deorsum ad locum suum pro-
 prium, qvisit inferior. Hoc autem fi-
 eri nequit, jam enim ante existit in suo
 loco proprio, eoque infimo, qvi centri
 obtinet rationem. (γ) Si moveretur
 Terra, sequeretur lapidem ē turri de-
 missum, non posse in pedem turris
 cadere, qvod tamen fieri videt qvivis,
 qvi rei hujus experimentum fecerit. (δ) Seqveretur quoque globum explosum
 non attingere posse metam, si scilicet
 meta illa cum tellure motaretur. (ε) Accedit robur adsertioni nostræ etiam
 ex eo, qvod stellas mutare locum, non
 verò terram videat qvivis: (ζ) Ut & ex
 eo,

eo qvia tellus est in centro mundi qvod
non moveri apud omnes in confessio est.
(1) Validissimum autem ex pandectis
sacris habernus argumentum, utpote in
qvibus subindè, stabilitatis Terræ, men-
tionem fieri certum est: Neque vero
Spiritum Sanctum in illis se ad captum
hominum accommodasse pie qvis di-
xerit, quasi videlicet cum intellectu
errante Spiritus Sanctus erroribus se
præbeat implicitum. Proinde qvomodo
Terra movebitur naturaliter? neq; vero
violentus Terræ motus concedi potest.
Non enim esset diuturnus, esset contra
Naturam, fieretque per accidens. Qvi
motum præter naturalem Terræ adscribunt,
prius demonstrent tum illum motum, tum istius
causam externam, post videbimus qvid veritate
Consonet, ait B. Scharffius in sua Physica.

PROBLEMA ETHICUM.

An Omne Mendacium sit peccatum?

Variæ sunt variorum Philosophorum
sententiæ de hâc qvæstione, aliis eam
simpliciter adfirmantibus, aliis negan-

ti-

tibus. Ut vero in hâc controversia nos
 faciliori procedamus viâ, notandum est,
 Mendacium distingvi solere in Officio-
 sum, Jocosum & Perniciosum, propri-
 eque sic dictum. Perniciolum solum di-
 cimus propriè Mendacium; qvia pri-
 ora illa duo improprie saltem sic di-
 cuntur pro simulatione & dissimulati-
 one in casibus non obligantibus. vid.
 Admod. Rev. Dn. Prof. Theol. Ord.
 Andreæ Wanochii Disq: Pract. Nec enim
 mendacii definitio iis adaptari potest.
Quod vero etiam illa Mendacii nomine
 appellitemus, excuses B. L. fas est, ut
 pote cum & Doctores quidam Luthe-
 rani has loqvendi usurparint formulas.
Officium itaque quod adtinet, aliqvid bo-
 ni in se continet, qui alicui prodest &
 nulli nocet, ac proinde non temerè ma-
 lum & merum peccatum dicendum,
 nam interdum non peccatum est, si
 quis occultet veritatem. E.G. Cum a-
 liquis potest se aut proximum, qui a-
 lioquin omnino periret, à morte libe-
 rare per celationem veritatis. Neque
 enim

enim actio illa conjuncta est cum pe-
versa hominis pravitate, sive inten-
tione fallendi, sed potius honorem
DEI bonique rationem & emolumen-
tum proximi habet: Obstetricibus Ægy-
ptiacis satis superq; suo id comprobanti-
bus exemplo, dum Pharaoni rem totam
non enunciarunt. Exempla etiam alia in
Scriptura Sacra habemus Manifesta,
qvæ clarè demonstrant veritatem à qui-
busdam esse dissimulatam, non vero pec-
catum in eo commissum. Idem tenen-
dum de *Joco*, qvod fit ab aliquo non
eo fine ut noceat proximo, sed potius ut
illum oblectet: Internè non est malum,
cum non suscipiatur ex cordis malitiâ,
sed potius ut tedium præscindatur tem-
poris & auditores oblectentur. Licet
vero μωρολογίαν scripture condemeret,
notandum tamen est, non omnes Jocos
in sacris literis esse prohibitos, qvia Jo-
corum mentionem sæpe faciunt, idque
sine ulla repræhensione: Qvin & id ob-
servandum, qvod dum Apostolus εὐλέξ-
πλιαν̄ damnat non omnem Jocorum
usum

usum, parcè & moderatè adhibitum, sed
 nimiam licentiam improbet. Qvippe
 statim Mendacium hoc est reprehensi-
 one dignum, illicitumqve si verecundiæ
 fines non observentur; Licitum vero,
 qvando intra honestatis cancellos con-
 tinetur. Tertium autem genus Men-
 dacii qvod diximus *Perniciosum*, fit men-
 tiendi & fallendi libidine, proinde quo-
 que malum est. Falsa enim est signifi-
 catio vocum cum intentione fallendi.
 Et hoc illud est Mendacium qvod in
 Præcepto Octavo, aliisque in locis pro-
 hibetur severè. De qvo si nostra qvaçj
 intelligatur Qvæstio, affirmativa omnino
 omnibus veritatē lectantibus est tenenda.
 Plura potuissent tam in hujus, quam in
 cæterarum qvæstionum illustrationem
 adferri; Verum cum & ingenii & fa-
 cultatum curta id vetet supellex, filum hic
 abrumpere necessum habeo, officiose
 à te Benivole Lector, petens, ut eorum,
 qvæ meum ingenium in chartam con-
 jicere qvivit, bonus æqvusqj
 sis interpres.

SOLI DEO GLORIA.

*Præstantissime ac Politissime
D N. RESPONDENS.*

Floribus ex variis ut apes sua dul-
cia libant;
Tu sic ex doctis undique docta legis.
Gratulor ergo tibi, sic gratulor atque
Parenti,
Pergito suscepis addere plura tuis.

*Amoris & honoris ergo
Contexuit*

*MATTHIAS JSTRÖM/
O - Botn.*

Ad

Pereximum Dn. RESPONDENTEM,
Gratulatio sincera.

Sanè multi sunt, qui initio literas avidè ar-
cipiunt, hominumqve doctorum choro ad-
sociari cupiunt; Verum laborem atque indu-
striam qvibus conversationem illorum, & cul-
men honoris consequi possent, perferre recu-
sant. Maxima pars perversorum conciliis, pra-
vorum exemplis, voluptatum illecebris decepta,
per instabilem & infirmam ætatem consistere
ne

neqvit. Sed pauci admodum inveniuntur qvā
seriò cum etate crescente literarum studio
delectantur, laborem scilicet non detestando,
difficultates & angustias omnes removendo,
summaque ope solidam in profundo latitan-
tem Sapientiam investigando, honorem cum
summi Numinis Gloriā conjunctum, sero aut
nunquam moriturum, summo cum studio qvæ-
rere qvi nituntur. His postremis te Pereximie
Dn. HENRICK AFFINIS & amice singularis an-
numerari gaudeo, qui animum ad studium li-
beralium artium ab ineunte adolescentia appu-
listi, nec à difficultatum & molestiarum ma-
gnis obstaculis te dimoveri passus es; Sed po-
tius ingenio, industriaque ista omnia evitasti,
& sic disputatione hāc doctè satis & concinnè
elaboratā, viam qvā successu temporis ad so-
lidiora itur patefecisti; Gratulor insuper Pa-
renti tuo, qvem suarum impensarum haud po-
nitebit. Gratulor adfinibus & propinqvis re-
liqvis, optatum gaudium. Pluribus te detinere
nolo, cum animum meum erga te satis super-
qve jam dudum perspectum habeas, Firmet ita-
qve te veri DEI robur, ut brevi ad culmen ho-
noris summum promoveas. Vale!

*Sic affini & amico singulari ex
animo gratulari voluit*

HENRICUS WEGELIUS O.R.

E I D E M :

A bstrusas sophiae res tractans sedulitatis,
Pieridum pueris testis es, egregiae;
Hicce tuis studiis si gnavor invigilaris,
Præmia Apollo dabit digna labore. vale!

Venâ gracili adposuit
ut potuit.

H. L.

Ad eundem:

Vena tibi est Habilis, caram constan-
ter amato
Artem, nam tales Ars redamare soler.
Adjuvet ergo ausus Dominus prope-
rantis OLAI,
Ut quoque postgenitis nomine notus
eas!

Hicce pauculis cognato suo gratu-
lari & fausta ominari vo-
luit, ut debuit

P E T R U S P E L A N D E R ,
O . Bottn.

*Literis, moribusque eruditissimo
Dn. RESPONDENTI.*

Fautor & Patriotæ suo honorando.

Esregius labor hic conscriptus Palladis arte
Ingenium prodit Respondentis studiumque,
Atque patere illi demonstrat culmen honoris,
Qvod minime indoctis patet, & vacuis cere-
bellis,

Ingenium doctum doctissimus Indidit illi
Juppiter, ut donis tandem cumularet eundem.

*Honoris debiti declarandi
causa adjecta*

HENRICUS BÄNG. O.B.

AD

Peregrinum Dn. RESPONDENTEM

AvayegmuallöperG.,

OLAUS ISAACI JHLCKEN

Add: uno E:

SALVE! HIC. CALAJOKENSI.

SALVE Coborti qui Musarum es adnumeratus;
Quandoquidem ingenii Hic Clari pellueret
acumen,

Monte è Parnassi tibi fert Fortuna salutem.
Cæptis pergit. Sic tibi gratior optima
dicens:

Huic CALAJOKENSI debentur præmia multa.

Apollo per

NICOLAUM HUMMUND. O.B.